

松滋縣誌卷之七

戰守

古云忘戰必危又曰以守必固蓋重之也松邑為四方之衝秦漢以來議攻取者勢處必爭但松民樸而弱松地平而狹荷戈結隊非其所長務農講武存寓兵於農之遺意教民者尚加之意乎爰志

戰守

攷

松滋縣誌

戰守

卷之七

一

紅崖寨隘口西接蠻崗無事則已前此四方騷動土人猶繁則自有明以來迨及嘉靖年間尚未寧謐致有九永兵防之設况密邇蠻崗可不思患預防耶宜議守

兵法云地形有挂有支松則枝宜澧陽江公等邑必趨孔道受敵既多議戰宜備

按

易曰王公設險以守其國戰守之備由來尚矣然

談戰守者每述握竒祖黃石要之懼而好謀尼山  
之言何嚴以確也慨自故明末造王高發難於廊  
廷李張肆虐於中州當賊勢方熾擁重兵者或避  
而不戰據堅城者或委而不守區區小邑又何戰  
守之足云哉朕亦有可恃者懷宗壬午李逆由豫  
入荆癸未春寇黨馬守印自西陵南渡濱江諸邑  
皆望風納款惟松滋杜秀逸以弱不勝衣之書生  
據仙女洞一掌之地團結鄉勇矢志恢復山自鹿

頭坡以西水自沙道觀而南皆赴其號名猶奉懷  
宗正朔借後輕身浪戰爲守印所執不屈而死雖  
功用弗成其愚忠未可及云